

*Panuitanga i raro i nga tikanga o te 65 o nga Tekiona o "Te Ture Kooti Whenua Maori, 1894."*

(J. 98/54.) Te Tari mo nga Tikanga o te Ture, Poneke, Hanuere 24, 1898.

**H**E whakaatu tenei kia mohiotia ai kua tae mai te pukapuka whakaatu, i tuhia mai nei e Messrs. Fitzherbert me Marshall, roia, mo te taha ki a Mr. T. W. Downes, ki te Minita mo te Taha Maori, i raro i nga tikanga o te 65 o nga tekiona o "Te Ture Kooti Whenua Maori, 1894," he whakaatu mai nana kei te whakahaere ia i te mana hoko i etahi whenua, e mau nei te whakaaturanga i raro iho nei, hei whakaea i te mahi ruri i aua whenua:—

Tawaroa Nama 1 .. £10 4s. 4d. Me nga moni hua hoki i runga i te ritenga o £5, i te £100, timata mai i te 10 o nga ra o Pepuere, 1897, me nga moni hoki i utua ki te Kooti e 7/.

Wairoa Nama 3 .. £4 13s. Me nga moni hua hoki i runga i te ritenga e £5, i te £100, timata mai i te 9 o nga ra o Mei, 1896, me nga moni hoki i utua ki te Kooti e 5/.

NA F. WALDEGRAVE, Hekeretari.

*Panuitanga i raro i nga tikanga o te 65 o nga Tekiona o "Te Ture Kooti Whenua Maori, 1894."*

J. 98/83. Te Tari mo nga Tikanga o te Ture, Poneke, Hanuere 31, 1898.

**H**E whakaatu tenei kia mohiotia ai kua tae mai te pukapuka whakaatu i tuhia mai nei e A. O'N. O'Donahoo, te Minita mo te Taha Maori, i raro i nga tikanga o te 65 o nga Tekiona o "Te Ture Kooti Whenua Maori, 1894," he whakaatu mai nana kei te whakahaere ia i te mana hoko i etahi whenua i roto i te Takiwa Ruri o Belmont e mau nei te whakaaturanga i raro iho nei, hei whakaea i nga utu mo te mahi ruri i aua wahawabanga:—

Nga Wawahanga Nama 2, 3, 4, 5, me 7 o te Maungaraki Poraka Me nga moni hua hoki, me nga moni i utua ki te Kooti, hui katoa nga moni o £87 19s.

NA F. WALDEGRAVE, Hekeretari.

*Panui Nama 461, hei riwhi mo Nama 449.*

*Panui ki te Katoa i raro i nga tikanga o "Te Ture Kararehe, 1893," mo te "Ngarara Ngau Ate Hipi." — Panui Nama 449.*

Te Tari Whakahaere Tikanga mo nga Kararehe, Poneke, 7 Hepetema, 1896.

**I**TE mea kua whakaaturia mai ki ahau kua pangia etahi o nga hipi e haero nei i etahi whenua i roto i te Takiwa Whenua o Haaki Pei, i te mate "ngarara ngau ate hipi," na i runga i nga tikanga o wahanga (4) o tekiona 14 o "Te Ture Kararehe, 1893," tenei au, te ki nei kua pa te mate para ki aua whenua, a me kua e haria atu he hipi, te tinana ranei o tetahi hipi kua patua, tetahi wahi ranei o te hipi i patua i reira, ki te kore o whakaaetia e tetahi Kai-tiroiro Kararehe:—

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko Te Hauke, e 9,000 nga eka i roto, ara he wahi o nga Poraka XII. me XVI., i roto i te Takiwa Ruuri o Maraekakahu, me nga Poraka IX. me XIII., i roto i te Takiwa Ruuri o Te Mata, i roto i te Kaute o Haaki Pei. Ko te rohe he raina timata i te pito marangai-ma-raki o Poraka 13, i roto i te Poraka XVI., i te Takiwa Ruuri o Maraekakahu, ahau atu i reira ma tetahi raina ahau marangai-ma-raki tae atu ki te teihana he mea tohu ki te N. ahau whaka-te-raki atu i reira ma tetahi raina tika tonu atu ki te pito hauauru-ma-tonga o te Waikareao Poraka; ahau atu i reira whaka-te-marangai-ma-raki ma nga rohe whakate-hauauru-ma-raki o Raukawa Nama 3 me Nama 2, te Pukehou Nama 1, te Whenua Rahui Maori i Poukawa, me te Koparakore A, tae atu ki te pito hauauru-ma-raki o te Koparakore A Poraka, ka ahau whaka-te-marangai-ma-tonga atu i reira ra te rohe whaka-te-marangai-ma-raki o A me B tae atu ki te wahi e whiti atu ai taua raina i te raina o te reriwe; ahau whaka-te-hauauru-ma-tonga atu i reira ma

tetahi raina tika tonu atu ki te teihana reriwe i Te Aute ka ahau whaka-te-hauauru-ma-tonga ma te raina o te reriwe tae atu ki tona whitinga atu i te rohe o te Kaute o Haaki Pei, ka ahau whaka-te-hauauru-ma-raki atu i reira ma taua rohe ra tae atu ki te wahi timatanga.

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko te "Ram Paddock," e 80 pea nga eka i roto, koia nei tetahi wahi o Whenuahou C Nama 1 me Nama 2 ki te Nota i roto i Poraka III., i roto i te Takiwa Ruuri o Tahoraite, i roto i te Kaute o Waipawa. Ko te rohe ki te hauauru-ma-raki ko te awa o Porangahau; ki te raki me te taha ki te marangai ko nga Poraka 120 me 69; ki te tonga ko etahi atu wahi o aua Whenuahou C Nama 1 me Nama 2 ki te Nota ra.

Tera pihi whenua katoa i roto i te Takiwa Whenua o Haaki Pei, e mohiotia nei te ingoa ko te "Takapau Paddock," 190 pea nga eka i roto, ara ko tetahi wahi o Wawahanga Nama 3, o te Otawahao Poraka, i roto i Poraka III., i roto i te Takiwa Ruuri o te Takapau, i roto i te Kaute o Waipawa. Ko te rohe ki te raki ko nga Poraka 234 me 120; ki te tonga ko te awa o Porangahau me tetahi huanui; ki te taha hauauru ko te raina o te reriwe.

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko te "Rees Davis Paddock," 110 pea nga eka i roto, ara ko Tekiona 7 o Whenuahou D.E. Nama 1 Poraka i roto i VI. me VII., i roto i te Takiwa Ruuri o te Takapau, i roto i te Kaute o Waipawa. Ko te rohe ki te marangai-ma-tonga he huanui; ki te hauauru-ma-tonga, he huanui; ki te hauauru-ma-raki ko Tekiona 6; ki te marangai-ma-raki ko Tekiona 8.

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko te "Sebastopol 3 Paddock," e 530 pea nga eka i roto, i roto i Poraka III., kei roto i te Takiwa Ruuri o Waipukurau, i roto i te Kaute o Waipawa, koia nei tetahi wahi o te whenua i karaatitia ki te Pihopa o Poneke, kei te pito hauauru-ma-tonga o taua whenua ra e takoto ana.

JOHN D. RITCHIE,  
Tino Kai-tiroiro Kararehe.

PANUITANGA.

**H**E whakaatu tenei kia mohiotia ai ka taea nga Pukapuka kua whakahuatia i raro iho nei te tono atu i a Kai-ta a te Kawanatanga i Poneke, ina tae mai te utu e tika ana, e pai ana te tuku Pane Kuini mai, uti o te Poutapeta, Ota Moni ranei.

Me ata whakaatu mai hoki te poutapeta e tata ana ki te kainga ina ka tuhia mai te pukapuka ki te Tari o te Kai-ta a te Kawanatanga:

Te Pukapuka o nga Ture e pa ana ki te iwi Maori, o te tau 1886. Ko te utu 1s.

Te Pukapuka o nga Ture e pa ana ki te iwi Maori, o te tau 1888. Ko te utu 1s.

Te Pukapuka o nga Ture e pa ana ki te iwi Maori, o nga tau 1890-91. Ko te utu 1s.

Te Pukapuka o nga Ture e pa ana ki te iwi Maori, o te tau 1892. Ko te utu 1s.

Te Pukapuka o nga Ture e pa ana ki te iwi Maori, o te tau 1893. Ko te utu 2s.

Te Pukapuka o nga Ture e pa ana ki te iwi Maori, o te tau 1894. Ko te utu 2s.

Te Pukapuka o nga Ture e pa ana ki te iwi Maori, o te tau 1895. Ko te utu 2s.

Te *Kahiti* Rarangi Ingoa o nga tangata i wehea nei he rahui mo ratou i roto i te Poraka o Waimarino. Ko te utu 1s.

Nga korero Paremete 1881 tae mai ki naianei 6d., mo te Pukapuka kotahi.

Te Ora mo te Maori: Na Hemi Henare Popi. Ko te utu 1s.

Te Pukapuka Rarangi Ingoa o nga tangata o ia Wawahanga o ia Wawananga o te Awarua Poraka, whakaatu hoki i nga hea o ia tangata o ia tangata. Ko te utu 10s.

Nga Tatai Korero Whakapapa a te Maori, me nga Karakia o Nehe. Na Hone Waiti i mahi. Pukapuka Tua-ono. Ko te utu 7s. 6d.

Te Tiriti o Waitangi. He tino tauria tenei. Ko te utu 5s.

Nga Huarahi Whakahaere o te Kooti Whenua Maori, he mea ta ki te reo Maori. Ko te utu 1s.

Huarahi Whakahaere Apiti atu ki nga Huarahi Whakahaere o te Kooti Whenua Maori. Ko te utu 6d.

Nga Tikanga Whakahaere i raro i Wahi II. o Wahanga II. o "Te Ture Kooti Whenua Maori, 1894," he mea ta ki te reo Maori. Ko te utu 6d.

Nga Huarahi Whakahaere i raro i nga tikanga o "Te Ture Taone Maori, 1895." Ko te utu 6d.

Karakia mo te ra (te 20 o nga ra o Huue) i whiwhi ai Te Kuini i te Karauna o Ingarangi. Ko te utu 6d.